



**Forum Competens Quæstionibus ex Universo Jure  
selectis, atque ad praxin utilissimis illustratum, Seu  
Tractatus Canonico-Civilis**

**Friderich, Melchior**

**Ingolstadium, 1709**

§. I. Quinam ad Cameram Imperialem & Concilium Imper. Jurisdictioni  
Cameræ Imperialis?

---

[urn:nbn:de:hbz:466:1-61662](#)

bitratorem compromittere. Nam ratio solum datur, quod Arbitramentum à Transactione nihil aut parum differat. Cum igitur Transactione circa feudum valeat, si non agitur de alienatione alióve Domini præjudicio, consequens est, idem dicendum esse de Arbitramento.

## CAPUT IV.

### De Causis ad Cameram Imperialem & Concilium Imper. Aulicum pertinentibus.

#### §. I.

*Quinam ratione Persona immediate subsint Jurisdictioni Cameræ Imperialis.*

#### S U M M A R I U M.

705. Cameræ Imperialis Jurisdictionis fundata est vel ratione Personæ, vel ratione Causæ.
706. Conveniuntur in illa Personæ Camerales.
707. Commissariis Cameræ injuriam passis datur ibidem actio.
708. Nec non ejus Procuratoribus, Advocatis, & Executoribus, ratione salariorum & sumptuum.
709. Convenit in Camera reus, qui domicilium habet sub jurisdictione litigiosâ inter Dominos immediate subjectos Imperio.
710. In eadem conveniunt Status Imperij suos subditos.
711. Banniti & Proscripti, qui privilegium fori habuerunt, ibidem conveniuntur.
712. Nec non illi, qui ejusdem jurisdictioni fronte se subjiciunt.
713. Ac Status Imperij frustrâ contra gravantes milites implorati. Item Circuli Imperij membra alterius Circuli ad se trahentes.
714. Denique omnes, qui Imperio immediate sunt subjecti; nisi exemptione gaudeant vel de Jure Imperij, vel consuetudine, vel speciali privilegio.

705.

705. Quamvis Jurisdictio Cameræ Imperialis, tanquam summi in S. R. Imperio Tribunalis, maxima sit ac latissimè pateat, non tamen sub illa, uti notorium est, omnes omnium generum lites disceptandi potestas comprehenditur. Ac idcirco Reus ibidem conventus non semper respondere tenetur, sed incompetentiam fori opponendo eam tanquam forum incompetens declinare potest. Licet autem quævis causa & promiscue non pertineat ad Cameram in prima instantia, sed demum per viam appellationis ad eam devolvatur: sunt tamen non paucæ, in quibus Camera per modum simplicis querelæ, ut ait Gail. lib. 1. obser. 1. n. 1. in prima instantia adiri potest, quæ partim in Ordinatione Camerali expressæ sunt, partim stylo illius Judicij hactenus observata. Sunt præterea multæ personæ, quæ immediate in illa conveniuntur.

706. Fundata itaque Jurisdictio Cameræ est tam ratione Personarum, quam ratione Causarum. De Personis *hoc* §. agam, de Causis §. seq. Ratione Personarum fundatur I. si persona Cameralis convenienda est, quales sunt non solum Judex, Præfides, Assessores, Advocati, Procuratores, & reliqui eidem Camera jumento adstricti, quamdiu functionibus Cameræ sunt addicti & ad aliam jurisdictionem non transeunt: sed etiam ipsorum uxores, liberi, scribæ, & reliquum famulitum. *O. C. p. 1. tit. 63. prim. R. J. anno 1654. §. 141.* Quin & eorum viduæ cum suis liberis & reliqua familia, quamdiu ad secunda vota non transeunt, aut aliter alteri cuidam jurisdictioni se non subdunt. *cit. §. 141.* Nec non Praxis Cameralis studiosi (quos Practicantes dicunt) si in Matriculam Cameræ sunt recepti. Mynsing. *cent. 5. obs. 52. n. 2.* Et litigantes, eorumque solicitatores, quando in loco Cameræ præsentes, ibique duntaxat ad suam ac principalium suorum item promovendam commorantur. Non tamen vel litigantes vel ipsorum solicitatores conveniri quacunque actione apud Cameram possunt, sed duntaxat, si apud Judicium Camerale commorantes contraxerint, aut deliquerint, & tempore instituendæ actio-

nis ex contractu vel delicto ortæ ibidem inveniuntur, uti patet ex ijs, quæ dixi suprà de Foro Delicti & Contractus. Quoad reliquas causas & actiones jus revocandi domum habent. Mynsing. l.c. n. 3. Blumen de Process. Camer. tit. 26. n. 6. § 7. Quoad Principes, Comites, aliósque, qui privilegio Austregarum gaudent, distinguendum videtur cum eod. Blumen l. c. n. 15. ac dicendum, eos immediate conveniri posse coram Camera actione, quæ oritur ratione officij, ijsque tanquam Personis Cameralibus intentatur; reliquas verò causas judicio Austregarum decidendas esse.

707. II. Si quis Commissario à Camera dato, durante commissione tanquam Commissario, injuriam inferat, processus in Camera decernitur contra injuriantem: quia injuria Cameræ illata censetur. Gylman. V. Injuria §. sed quid.

708. III. Pars litigans ratione residui salarii ab Advocato aut Procuratore Cameræ convenit in Camera. O. C. p. 1. tit. 46: §. 10. Gaill. cit. obser. 1. n. 37. & obs. 44. n. 5. Matth. Stephani lib. 2. de Jurisd. p. 1. c. 3. n. 73. Et quidem juxta praxin sive litigans immediate sit subjectus sive mediátè, sive absens sit à loco Cameræ sive præsens: de quo fusè Blumen l. c. à n. 18. & tit. 34. à n. 249. Dixi ab Advocato aut Procuratore Cameræ. Nam Advocati & Procuratores extranei suos Clientes, quibus in Camera inserviunt, non coram eadem, sed coram Judice ipsorum ordinario, convenient. Par est ratio de Commissarijs à Camera datis: nam & isti litigantem, qui commissionem impetravit, ratione salarii indistinctè coram Camera convenient. Gaill. cit. n. 37. Par quoque de Executoribus in Camera datis: nam etiam isti ratione sumptuum in executionem factorum convenire coram eadem possunt eos, in quos executio facta est. O. C. p. 2. tit. 17.

709. IV. Convenit in Camera reus, qui domicilium habet sub jurisdictione inter dominos Imperio immediate subjectos litigiosâ: si quidem dubia & litigiosa sit ipsa possessio. Tunc enim neuter Judex esse potest, ac propterea proximè superior Judex,

Y yy

qui

qui in tali casu est Camera, adeundus erit, ut patebit ex dicendis §. seq. Quia verò causa criminalis, poenam corporis afflictivam persequens, ad Cameram non pertinet, ut postea dicetur, idcirco pendente illo litigio super possessione jurisdictionis, litigantes domini sequestrum eligere possunt, qui reum capiat, & pro qualitate delicti puniat, aut si super hoc inter se non convenient, Camera ad implorationem partis læsæ aliquem deputare potest. Gylman, *V. Jurisdiction* §. ult. Blumen cit. tit. 26. n. 22. § 23.

710. V. Si Princeps alijsve Imperij Status subditum sibi imm. mediatè subjectum, aut civitatem municipalem seu immediatè sibi subjectam convenire velit, id coram Camera facere tenetur, ut dixi suprà n. 349. Et quamvis Princeps civem seu subditum suæ municipalis Civitatis convenire possit coram Magistratu illius Civitatis tanquam ordinario illius subditi Judice, recusari tamèn à Reo Judex iste potest tanquam suspectus, cùm periculum sit, ne Magistratus timore vel amore sui Principis à recti tramite deviet. Unde nisi Reus in suum illum Magistratum consentiat, adeunda contra ipsum Camera erit: quia Judicem, qui adversarij mei subditus est, tanquam suspectum recusare possum. Panor. & commun. DD. in C. Accedens 1. *Ut lite non contest.* Maranta in *Specul. p. 6. rubr. de Appellat. n. 40.*

711. VI. Reus bannitus ac regalibus & beneficijs Juris communis privatus, cùm omnia privilegia amittat L. Is qui reus ff. de *Publ. Judic.* ac consequenter etiam privilegium fori, convenientius est in Camera Imperiali. Gaill. lib. 1. obs. 1. n. 38. Hinc si privilegio Austregarum gaudens proscribatur, non potest nominare Judices, de quibus dixi suprà n. 342. § seqq. ac per consequens ipsius causa immediatè in Camerarecipientur. Mynsing. cent. 1. obser. 90. Nisi causa esset talis, quæ in illa tractari non solet, ut est Matrimonialis, Criminalis, Feudalis &c. de quibus postea: quia tunc Ordinarius hujusmodi causarum Judex adeundus erit, ut pote qui per bannum in proscriptum suā jurisdictione non privatur. Eadem est ratio de alijs & perpetuis Magistratibus, seu ijs,

is, qui sunt proscriptorum Judices de Jure communi & non ex privilegio. Mynsing. l.c. in fine, Blumen l.c. n. 25.

712. VII. Conveniri immediatè in Camera potest, qui suo foro renuntiat, séque Jurisdictioni Camerali subjicit. Gaill l.c.n. 29. cùm quilibet favori pro se introducto renuntiare possit, L. 29. C. de Pac̄t. & Judici non suo jurisdictionem in se prorogare, juxta dicta suprà à n. 438. exceptis causis, quas enarravi n. 450. ¶ seqq. Quandonam verò ad hanc prorogationem requiratur consensus proprii Judicis, dixi n. 431. ¶ seqq. Fit autem hæc renuntiatio proprii Fori veltacitè, si nimiriūn conventus in Camera privilegium fori non opponit; vel per compromissum aut aliam conventionem, juxta dicta suprà à n. 418. Cæterūm notant hic Mynsing. cent. I. obs. 88. & Gylm. V. Renuntiatio §. 1. renuntiationem, quæ fit per conventionem, debere esse specialem, videlicet ut quis in specie suo foro renuntiet, sive exprimat, ubi conveniri velit: neque enim fundari jurisdictionem per generalē renuntiationem, quā dicit Reus, posse adversarium coram quocunque Tribunal agere, das Kläger Ihn vor allen Gerichten sumehmen möge. Et ita in Camera decisum esse refert Mynsing. l.c. eò quod illa generalis renuntiatio solūm intelligenda sit de Judicijs competentibus. Videantur ea, quæ dixi suprà n. 192. Quin si quis expressè promisisset, se in Camera responsurum, at solūm extra judicium & privatā tantūm scripturā, posset nihilominus poenitere & ad Judicem competentem provocare, uti in Camera decisum esse & observari afferunt Mynsing. l.c. & Magenh. ad Ord. Cam. p. 2. tit. I. §. fin.

713. VIII. Si Status Imperij imploratus contra milites in ipsius territorio grassantes auxilium implorantibus non tulerit, possunt, qui frustrà eum implorârunt, in Camera eundem convenire ratione damni illati. Landfr. anno 1548. art. 24. & sequitur ex dictis n. 343. Idemque tenendum est, si unus Circulus Imperij in suum Circulum alterius Circuli Status pertrahat. R.J.a. 1548. §. 49. Ac universim si unus Immediatus alium Immediatum ab

Y yy 2

imme-

540 *Pars V. Cap. IV. De Causis ad Cameram Imperialem*

immediata subjectione avellere & in suam jurisdictionem petra-  
here conetur. cit. R. J. §. 54. & 61. Quandonam verò Status Impe-  
rij S. R. aliisque Imperio immediate subjecti conveniri in Camera  
possint, & quando ab his iij, qui Imperio mediatè subjecti sunt,  
patet ex dictis suprà 347. & seqq. Quibus hic addendum est, quod  
Blumen *Process. Cam. tit. 26. n. 46.* contra Gaillium fusè osten-  
dit, Capitulum Cathedrale Sede vacante Imperij Statum esse, qua-  
tenus repræsentat Episcopum, ac proinde jure repræsentationis  
privilegio Austregarum gaudere.

714. IX. Universim omnes & singuli Imperio ac Cæsarez  
Jurisdictioni immediatè subjecti habent in Camera forum com-  
petens: nisi ab ejus jurisdictione sint exempti aut per legitimam  
consuetudinem, O. C. p. 2. tit. 30. V. Rechtmäßige Gewohnheiten;  
aut per immunitatem ac specialia privilegia, cit. tit. 30. V. Frei-  
heiten / & V. Privilegia, quale privilegium quoad primam instan-  
tiā concessum esse non paucis Civitatibus Imperialibus, dictum  
est suprà n. 348. vel gaudeant Austregis, iisque vel Ordinatio-  
nis Cameralis, cit. tit. 30. V. Sondere Ausfräg / vel Conven-  
tionalibus, cit. tit. 30. V. Gewillküre / de quibus fusè suprà n.  
338.

§. II.

*Quæ Causæ ad Cameram Imperialem  
pertineant.*

S U M M A R I U M.

715. *Ad Cameram Imper. pertinet causa violatae Pacis Reli-  
gioſæ.*  
716. *Et publicæ prophanae.*  
717. *Causæ quoque Fiscales.*  
718. *Posſessionis litigioſæ.*  
719. *Pignorationum.*  
720. *Arreſtorum.*